

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### OGASUN, FINANTZA ETA AURREKONTU SAILA

**Diputatuen Kontseiluaren 585/2016 Erabakia, irailaren 13koa, onartzen duena Komunioiko Kontzejuarekin hitzarmena izenpetzea, kontzeju horren kredituak eta eskubideak betearazte aldian biltzeko**

Uztailaren 19ko 41/1989 Foru Arauak, toki ogasunak arautzen dituenak, 8. artikulua lehen paragrafoan xedatzen duenez, udal erakundeek eta foru aldundiak elkarlanean jardungo dute, sinatu beharreko hitzarmena sinatuta, tributuek kudeatu, likidatu, ikuskatu eta biltzeari dagokion guztietan.

Elkarlan edo lankidetzaren printzipio hori Arabako Foru Aldundiaren eta kontzejuen arteko harremanetan ere aplikatuko da, zeren eta kontzejuen ogasunei ere aplikatuko baitaie. Toki ogasunak arautzen dituen Foru Arauaren II. titulua, halaxe xedatzen baitu martxoaren 20ko 11/1995 Foru Arauak, Arabako Lurralde Historikoko kontzejuenak, 39. artikuluan.

Horiek horrela, Arabako Foru Aldundiak eta Komunioiko Kontzejuak lankidetzaren hitzarmena izenpetuko dute, kontzeju horren kredituak eta eskubideak betearazte aldian biltzeko.

Kontuan hartu da abenduaren 18ko 52/1992 Foru Arauak, Arabako Foru Aldundiaren antolaketa, funtzionamendu eta araubide juridikoarenak, 8.7) artikuluan xedatutakoa.

Zerga Araudiaren Zerbitzuak horri buruz emandako txostena aztertu da.

Horregatik, Ogasun, Finantza eta Aurrekontu Saileko foru diputatuak proposatuta, eta Diputatuen Kontseiluak gaur bertan egindako bilkuran gaia aztertu ondoren, hauxe

#### ERABAKITZEN DUT

Lehenengoa. Onartzea Komunioiko Kontzejuarekin hitzarmena izenpetzea kontzeju horren kredituak eta eskubideak betearazte aldian biltzeko. Hitzarmen hori erabaki honen eranskinean ageri da.

Bigarrena. Baimena ematea Ogasun, Finantza eta Aurrekontu Saileko foru diputatuari aurreko paragrafoan aipatzen den hitzarmena eta hura betearazteko behar diren agiri guztiak sinatzeko.

Gasteiz, 2016ko irailaren 13a

*Diputatu nagusia*

*RAMIRO GONZÁLEZ VICENTE; OGASUN*

*Finantza eta Aurrekontu Saileko foru diputatua*

*JOSÉ LUIS CIMIANO RUIZ*

*Ogasun zuzendaria*

*TERESA VIGURI MARTÍNEZ*

*Finantza eta Aurrekontu zuzendaria*

*IÑAKI ALDEKOGARAI LABAKA*